

**COMMONSPIRIT HEALTH  
COV NTAUB NTAUV TSAB CAI TSWJ HWM NTXIV**

---

**DAIM NTAUV TXUAS NTXIV Fab  
Nyiaj Txiag G-003A-2**

**HNUB TIM PIB SIV:** Lub Xya Hli Tim 1, 2024

**NCAUJ LUS:** Kev Pab Cuam Fab Nyiaj Txiag - Oregon

**COV CAI UAS MUAJ FEEM CUAM TSHUAM NROG**

Tsab Cai Tswj Xyuas Ntawm CommonSpirit Fab Nyiaj Txiag G-003, *Kev Pab Cuam Fab Nyiaj Txiag*  
Tsab Cai Tswj Xyuas Ntawm CommonSpirit Fab Nyiaj Txiag G-004, *Kev Sau Nqi thiab Kev Suav Sau*

Oregon daim ntawv txuas ntxiv (Daim ntawv txuas) yog qhov txuas ntxiv ntawm Tsab Cai Tswj Xyuas Ntawm CommonSpirit G-003, *Kev Pab Cuam Fab Nyiaj Txiag* (Tsab Cai Hais Txog Kev Pab Cuam Fab Nyiaj Txiag), raws li qhov tsim nyog, txhawm rau kom haum nrog Oregon cov kev cai thiab cov caij tswj hwm hais txog kev muab Kev Saib Xyuas Yam Muaj Lub Siab Hlub Hauv Tsev Kho Mob, raws li feem ntawm "Kev Koom Tes nrog Lwm Cov Cai Lij Choj" ntawm Tsab Cai Hais Txog Kev Pab Cuam Fab Nyiaj Txiag.

Daim Ntawv Txuas no siv rau CommonSpirit Health Txhua Pab Pawg Koom Tes Ncaj Qha thiab Cov Tuam Txhab Me Ua Tau Txais Kev Zam Se nyob rau hauv lub xeev Oregon, raws li tau hais tseg nyob rau hauv Tsab Cai Hais Txog Kev Pab Cuam Fab Nyiaj Txiag. Yog tias ib qho kev qhia ntawm Daim Ntawv Txuas Ntxiv no cuam tshuam nrog, los sis tsis sib haum nrog, ib qho kev cai ntawm Tsab Cai Lij Choj Hais Txog Fab Nyiaj Txiag, Daim Ntawv Txuas Ntxiv no yuav raug tuav tswj.

**COV NTSIAB LUS TXHAIS**

- A. Ncua Sij Hawm Thov** txhais tau hais tias lub sij hawm muab rau cov neeg mob los ntawm Lub Koom Haum Tsev Kho Mob CommonSpirit kom ua tiav daim ntawv thov Kev Pab Cuam Fab Nyiaj Txiag. Tus neeg mob tuaj yeem thov rau Kev Pab Cuam Fab Nyiaj Txiag txhua lub sij hawm txog li kaum ob (12) lub hlis tom qab tus neeg mob them cov kev pab cuam uas Lub Tsev Kho Mob tau muab.
- B. Ncua Sij Hawm Txiav Txim Qhov Kev Tsim Nyog** - Tom qab xa daim ntawv thov Kev Pab Cuam Fab Nyiaj Txiag thiab cov ntaub ntawv txhawb nqa, cov neeg mob pom zoo kom tsim nyog yuav tsum tau txais Kev Pab Cuam Fab Nyiaj Txiag rau txhua tus as khauj uas tsim nyog nyob rau lub sij hawm thov thiab yav tom ntej rau lub sij hawm cuaj (9) lub hlis txij li hnuv tim lub tsev kho mob tau txiav txim siab thiab tus neeg mob yuav tsum tsis tas yuav rov thov kev pab cuam fab nyiaj txiag rau cov kev pab cuam uas tau muab rau lub sij hawm cuaj lub hlis ntawd.
- C. Cov Nyiaj Khwv Tau Los Ntawm Tsev Neeg** - suav nrog cov nyiaj khwv tau los tag nrho ntawm cov neeg hauv yim neeg, txhais tau hais tias ib tus neeg los sis cov txij nkawm, cov neeg koom tes hauv tsev, los sis niam txiv thiab me nyuam yaus uas hnuv nyoog qis dua 18 xyoo, nyob ua ke; thiab lwm tus neeg uas tus tib neeg, tus txij nkawm, tus khub hauv tsev los sis niam txiv yog tus saib xyuas nyiaj txiag, raws li ORS 442.612 (6).

## KEV MUAJ CAI TAU TXAIS KEV PAB CUAM FAB NYIAJ TXIAG

- A. Raws li ORS 442.614, tus neeg mob uas tsim nyog tau txais Kev Pab Cuam Fab Nyiaj Txiag yuav tau txais EMCare pub dawb los sis txo nqi. Tus neeg mob tsis tas yuav thov kev pab cuam fab kev kho mob, raws li tau teev tseg hauv ORS 414.025, ua ntej tau txais kev tshuaj xyuas los sis muab Kev Pab Cuam Fab Nyiaj Txiag.
- B. Cov Tsev Kho Mob yuav tsum kuaj xyuas tus neeg mob rau Kev Pab Cuam Fab Nyiaj Txiag Raws Li Kev Xav yog tias tus neeg mob:
- Tsis muaj kev tuav pov hwm;
  - Tau tso npe hauv lub xeev lub khoos kas pab cuam fab kev kho mob;
  - Tshuav nqi ntawm lub tsev kho mob ntau dua \$500.

Hauv kev tshuaj xyuas txog Kev Pab Cuam Fab Nyiaj Txiag Raws Kev Xav, Cov Chaw Ntawm Lub Tsev Kho Mob yuav tsum tsis txhob xav kom tus neeg mob muab cov ntaub ntawv los sis lwm yam pov thawj los sis siv cov txheej txheem uas cuam tshuam tsis zoo rau tus neeg mob cov qhab nia credit. Tsis tas li ntawd, ua ntej them nqi rau tus neeg mob Lub Tsev Kho Mob yuav tsum tshuaj xyuas tus neeg mob rau Kev Pab Cuam Fab Nyiaj Txiag Raws Kev Xav thiab siv ib qho kev pab uas tus neeg mob tsim nyog. Lub Tsev Kho Mob yuav tsum ceeb toom rau tus neeg mob tias lawv tau txais kev tshuaj xyuas rau Kev Pab Cuam Fab Nyiaj Txiag Raws Kev Xav thiab muab cov ntaub ntawv qhia rau tus neeg mob txog txoj hauv kev thov Kev Pab Cuam Fab Nyiaj Txiag yog tias tus neeg mob raug tsis kam lees, los sis txoj hauv kev thov Kev Pab Cuam Fab Nyiaj Txiag ntxiv rau qhov uas tus neeg mob tau txais yav tas los.

- C. Raws li cov ntsiab lus ntawm Tsab Cai Hais Txog Kev Pab Cuam Fab Nyiaj Txiag, tshwj tsis yog tsim nyog rau Kev Pab Cuam Fab Nyiaj Txiag Raws Kev Xav, qee yam kev tsim nyog yuav tsum ua kom tau raws li tus neeg mob kom tsim nyog rau Kev Pab Cuam Fab Nyiaj Txiag. Daim Ntawv Txuas Ntxiv no hloov kho cov qauv uas tsim nyog nrog cov hauv qab no:
- Tus neeg mob Cov Nyiaj Khwv Tau Los Hauv Tsev Neeg yuav tsum sib npaug los sis qis dua 400% ntawm FPL.
  - Ib tus neeg mob uas tsev neeg cov nyiaj khwv tau los yog qis dua 200% ntawm FPL yuav tau txais kev saib xyuas pub dawb.
  - Ib tus neeg mob uas nws tsev neeg cov nyiaj khwv tau los nyob nruab nrab ntawm 201% txog 300% ntawm FPL yuav tau txais kev txo nqi mus txog 75% los ntawm nws qhov nyiaj tshuav ntawm tus as khauj rau EMCare muab rau tus neeg mob tom qab them nyiaj, yog tias muaj, los ntawm ib tus neeg thib peb.
  - Ib tus neeg mob uas nws tsev neeg cov nyiaj khwv tau los nyob nruab nrab ntawm 301% txog 350% ntawm FPL yuav tau txais kev txo nqi rau kev saib xyuas uas mus txog 50% los sis raws li AGB ntawm Lub Chaw Ntawm Lub Tsev Kho Mob los ntawm nws qhov nyiaj tshuav ntawm tus as khauj rau EMCare muab rau tus neeg mob tom qab them nyiaj, yog tias muaj, los ntawm lwm tog neeg thib peb.
  - Ib tus neeg mob uas nws tsev neeg cov nyiaj khwv tau los nyob nruab nrab ntawm 351% txog 400% ntawm FPL yuav tau txais kev txo nqi rau kev saib xyuas uas mus txog 25% los sis raws li AGB ntawm Lub Chaw Ntawm Lub Tsev Kho Mob los ntawm nws qhov nyiaj tshuav ntawm tus as khauj rau EMCare

muab rau tus neeg mob tom qab them nyiaj, yog tias muaj, los ntawm lwm tog neeg thib peb.

**KEV THOV RAU KEV PAB CUAM FAB NYIAJ TXIAG, KEV THEM NYIAJ ROV QAB, THIAB KEV THOV KOM ROV TXIAV TXIM DUA**

- A.** Thaum ua tiav los ntawm ib tus neeg nyob hauv lub xeev Oregon, Daim Ntawv Thov Kev Pab Cuam Fab Nyiaj Txiag tsuas yog xav kom tus neeg mob muab lawv tsev neeg cov nyiaj khwv tau los thiab cov ntaub ntawv hais txog tog neeg thib peb uas yuav raug lav rau tag nrho los sis ib feem ntawm cov nqi uas cuam tshuam nrog cov kev pab cuam los ntawm Lub Tsev Kho Mob. Kev muab cov ntaub ntawv hais txog tus neeg mob cov cuab tam yuav tsum xam tias yog kev xaiv thiab cov ntaub ntawv zoo li no yuav tsis raug siv los tsis lees paub Kev Pab Cuam Fab Nyiaj Txiag ntawm tus neeg mob.
- B.** Yog tias Lub Tsev Kho Mob tau txiav txim yav dhau los, tsis raug, tias tus neeg mob tsis tsim nyog tau txais Kev Pab Cuam Fab Nyiaj Txiag rau cov kev pab cuam raws li cov ntaub ntawv muab los ntawm tus neeg mob thaum lub sij hawm txiav txim tsis raug, Lub Tsev Kho Mob yuav tsum them tus neeg mob cov paj laum ntawm cov kev pab cuam fab nyiaj txiag ntawm tus nqi tau teev tseg los ntawm Tsoom Fwv Teb Chaws Zwm Cia thiab lwm cov nqi uas tsim nyog, xws li cov nuj nqis thiab cov nqi raug cai, tshwm sim los ntawm tus neeg mob kom tau txais Kev Pab Cuam Fab Nyiaj Txiag.
- C.** Yog tias Lub Tsev Kho Mob tsis lees paub tus neeg mob daim ntawv thov Kev Pab Cuam Fab Nyiaj Txiag, txawm tias tag nrho los sis ib feem, Qhov Chaw Ntawm Lub Tsev Kho Mob yuav ceeb toom rau tus neeg mob txog qhov tsis lees paub thiab suav nrog hauv tsab ntawv ceeb toom piav qhia txog txheej txheem kev thom kom rov txiav txim dua.

Tag nrho lwm cov ntsiab lus tau teev tseg hauv Tsab Cai Tswj Hwm Ntawm CommonSpirit Fab Nyiaj Txiag G-003, *Kev Pab Cuam Fab Nyiaj Txiag*, tseem tsis tau hloov pauv.